

## RHAN 2 - O'R BERSEG.

### 1. O CHWI BOBL SYDD Â MEDDYLIAU I WYBOD A CHLUSTIAU I GLYWED!

Dyma alwad cyntaf yr Anwylyd: O eos gyfriniol! Nac erys oddi eithr yng ngardd rhosynnau'r ysbryd. O negesydd Solomon y cariad! Na cheisia gysgod oddi eithr yn Sheba'r anwyliaid, ac O ffenics tragwyddol! Na thrig oddi eithr ar fynydd ffyddlondeb. Yno mae dy drigfan, os esgynni ar adenydd dy enaid i deyrnas yr anfeidrol a cheisio cyrraedd dy nod.

### 2. O FAB YR YSBRYD!

Cais yr aderyn ei nyth; yr eos gyfaredd y rhosyn; tra fod yr adar hynny, calonau dynion, sy'n fodlon ar lwch byrhoedlog, wedi crwydro'n ymhell o'u nyth tragwyddol, a gyda'u llygaid wedi eu troi tuag at bydew diofalwch sydd amddifad o ogoniant dy bresenoldeb dwyfol. Gwae! Mor rhyfedd a thruenus; toesant eu cefnau ar fôr ymdonnog y Goruchaf er mwyn cwpanaid brin, ac arhosant ymhell oddi wrth y gorwel disgleiriaf.

### 3. O GYFAIL!

Yng ngardd dy galon na phlanna ddim oddi eithr rhosyn cariad, a phaid rhyddhau dy afael ar eos serch a dyhead. Trysora gyfeillgarwch y cyfiawn a gochel rhag pob cyfeillach â'r annuwiol.

### 4. O FAB CYFIAWNDER!

I ble all carwr fyned ond i wlad ei anwylyd? A pha geisiwr a ddaw o hyd i orffwys ymhell o ddyhead ei galon? I'r gwir garwr bywyd yw aduno, a marwolaeth yw ymwahanu. Ei fynwes sydd wag o amynedd a'i galon sydd heb heddwch. Fe dry ei gefn ar fyrdd o fywydau er mwyn brysio i drigfan ei anwylyd.

### 5. O FAB Y LLWCH!

Yn wir, dywedaf wrthyh: Ymhlith yr holl ddynion y mwyaf diofal yw'r sawl sy'n herio'n ddi-hid ac sy'n ceisio dyrchafu ei hun ar draul ei frawd. Dywed: O frodyr! Boed i weithredoedd, ac nid geiriau, fod dy addurn i chi.

### 6. O FAB Y DDAEAR!

Gwybydda, yn wir, na fydd y galon, yn yr hon yr erys y gwaddod lleiaf o genfigen, fyth yn ymgyrraedd at Fy Arglwyddiaeth dragwyddol, na chwaith yn anadlu aroglau pêr sancteiddrwydd Fy nheyrnas sanctaidd.

## O FAB CARIAD!

Rwyt ond un cam o'r uchelderau gogoneddus fry ac o goeden nefolaidd cariad. Cymer un cam a gyda'r nesaf cama ymlaen i'r deyrnas anfarwol a dos i mewn i bafiliwn tragwyddoldeb. Gwranda felly ar yr hyn a ddatgelwyd gan Awdur y Gogoniant.

### 7. O FAB Y GOGONANT!

Bydd chwim ar lwybr sancteiddrwydd, a dos i mewn i nefoedd cymundeb gyda Mi. Pura dy galon â gloywder yr ysbryd, a brysia i lys y Goruchaf.

### 8. O GYSGOD DARFODEDIG!

Gad gamau bas amheuaeth o'th ôl a chyfoda i uchelderau dyrchafedig sicrwydd. Agor lygad gwirionedd, fel y boed i ti weld y Prydferthwch diorchudd a datgan: Sancteiddier yr Arglwydd, y creawdwr tra ardderchog.

### 9. O FAB DYHEAD!

Gwranda ar hyn: nid adnabyddir y Prydferthwch tragwyddol fyth gan lygad meidrol, ac ni ymhyfryda'r galon ddifywyd mewn dim oddi eithr y blodyn gwywedig. Canys y tebyg a gais ei debyg, ac a ymblesera yng nghwmniaeth ei gyffelyb.

### 10. O FAB Y LLWCH!

Dalla dy lygaid, fel y boed i ti ganfod Fy mhrydferthwch; byddara dy glustiau fel y boed i ti glywed seiniau peraidd Fy llais; ymwacâ dy hun o bob dysg, fel y boed i ti ymgymryd o Fy nealltwriaeth; a sancteiddia dy hun rhag cyfoeth, fel y boed i ti sicrhau cyfran parhaol o gefnfor Fy nghyfoeth tragwyddol. Dalla dy lygaid, hynny yw, i bopeth oddi eithr Fy Mhrydferthwch; byddara dy glustiau i bopeth oddi eithr Fy ngair; gwacâ dy hun o bob dysg oddi eithr dealltwriaeth ohonof i, fel y bydded i ti, gyda gweledigaeth glir, calon bur a chlust astud, fedru myned i mewn i lys Fy sancteiddrwydd.

### 11. O FAB DWY WELEDIGAETH!

Cau un llygad ac agor y llall. Cau un i'r byd a phopeth o'i fewn ac agor y llall i brydferthwch sanctaidd yr Anwylyd.

### 12. O FY MHLANT!

Ofnaf, yn amddifad o seiniau colomen y nef, y gwnewch lithro'n ôl i gysgodion colledigaeth lwyrr, a dychwelyd i ddôr a chlai heb erioed edrych ar brydferthwch y rhosyn.

## 13. O GYFEILLION!

Na throwch eich cefn ar brydferthwch tragwyddol er mwyn prydfferthwch a fydd farw, ac na rhowch eich bryd ar y byd meidrol hwn o lwch.

### 14. O FAB YR YSBRYD!

Mae'r amser yn dyfod, pan na fydd eos sancteiddrwydd mwyach yn datgelu'r dirgelion mewnol a byddwch oll yn amddifad o'r seiniau nefolaidd a'r llais oddi fry.

### 15. O HANFOD ESGEULUSTOD!

Mynega myrdd o dafodau cyfriniol eu hunan mewn un llais, a datgelir myrdd o ddirgelion cudd mewn un alaw; serch hynny, gwae, nid oes clust i glywed na chalon i ddeall.

### 16. O GYMDEITHION!

Mae'r pyrth a egyr ar y Disafle yn llydan agored ac addurnir trigfan yr anwylyd gyda gwaed y carwr, ond eto erys pawb ond ychydig yn amddifad o'r deyrnas nefolaidd, ac o'r ychydig hyn, dim ond prin llond llaw a ganfyddwyd â chalon bur ac enaid sanctaidd.

### 17. O DRIGOLION Y BARADWYS UCHAF!

Datganwch wrth blant sicrwydd bod gardd newydd wedi ymddangos yn nheyrnas gogoniant gerllaw'r baradwys nefolaidd, o amgylch yr hwn y try dinasyddion y deyrnas fry a phreswylwyr anfarwol y baradwys dyrchafedig. Ymdrechwch, felly, fel y boed i chi ymgyrraedd at y safle hwnnw, fel y medwrch ddatrys dirgelion cariad drwy flodau ei awel a dysgu cyfrinach doethineb dwyfol a chyflawn oddi wrth ei ffrwythau tragwyddol. Llygaid y rhai hynny sy'n myned ac yn trigo yno a gysurir!

### 18. O FY NGHYFEILLION!

A ydych wedi anghofio'r bore gwyn a disglair hwnnw, yn y lle sanctaidd a bendithiol pan yr ymgasglasoch oll yn fy ngôydd o dan gysgod coeden bywyd, a blannwyd yn y baradwys ogoneddus? Gwrandawsoch ag arswyd wrth i Mi lefaru'r tri gair sancteiddiolaf hyn: O gyfeillion! Na ddeisyfwrch eich ewyllys eich hunan dros Fy ewyllys i, na ddymunwch yr hyn nad wyf i wedi ei ddymuno ar eich cyfer, ac na nesewch ataf â chalonnau difywyd wedi eu difwyno gan ddyheadau a chwantau bydol. Pe byddech ond yn sancteiddio eich eneidiau, byddech yr awr hon yn cofio'r man a'r lle, a dylai gwirionedd Fy lleferydd amlygu ei hun i bob un ohonoch.

*Yn yr wythfed o'r llinellau sancteiddiolaf, ar y bumed Lechen Paradwys, dywedodd Ef:*

### **19. O'R SAWL SY'N GORWEDD FEL PE BAI'N FARW AR WELY DIOFALWCH!**

Oesoedd a aeth heibio ac mae'ch bywydau gwerthfawr ar ddarod, ac eto ni ddaeth yr un anadl sanctaidd oddi wrthych i'n llys sanctaidd. Serch eich trochi ym môr anghrediniaeth, eto, gyda'ch gwefusau rydych yn arddel yr un gwir ffydd oddi wrth Dduw. Fe garasoch yr hwn rwyf yn ei gasáu, a gwnaethoch Fy ngelyn yn gyfaill. Serch hynny, rydych yn cerdded Fy naear yn ddi-hid ac yn hunanfodlon, heb sylwi fod Fy naear wedi blino arnoch a phopeth ynddo yn eich osgoi. Pe byddech ond yn agor eich llygaid, byddai'n well gennych, mewn gwirionedd, fyrrd o drallodion na'r llawenydd hyn, a byddech yn ystyried marwolaeth ei hun yn rhagorach na'r bywyd hwn.

### **20. O CHWI SY'N YMDDANGOS YN DEG OND SYDD ETO'N FFAIDD O'CH MEWN!**

Rydych fel dŵr croyw ond chwerw, sydd o wedd allanol yn ymddangos yn bur fel crisial, ond pan fe y profir ef gan y Barnwr nefolaidd, ni dderbynnir diferyn. Yn wir, tywynna'r haul yn yr un modd ar y llwch ac ar y drych, ond gwahaniaethant yn eu hadlewyrchiad megis y gwna'r seren a'r ddaear: yn wir, mae'r gwahaniaeth yn anfesuradwy!

### **21. O FFURF SYMUDOL LLWCH!**

Dymunaf gymundeb â thi, ond nid wyt yn ymddiried ynof. Mae cleddyf dy wrthryfel wedi torri coeden dy obaith. Rwyf yn agos atat bob amser, ond rwyf ymhell oddi wrthych yn wastadol. Dewisais ogoniant anfeidrol ar dy gyfer, ond eto cywilydd diderfyn a ddewisais dros dy hun. Tra fod eto amser, dychwel, a phaid â cholli dy gyfle.

### **22. O FAB DYHEAD!**

Am flynyddoedd meithion, ymdrechodd y doeth a'r dysgedig i ymgyrraedd at bresenoldeb yr Holl-Ogoneddus a methu; treuliasant eu bywydau yn Ei geisio, eto heb ganfod prydfferthwch Ei wyneb. Tydi, heb fawr o ymdrech, a gyrraeddais dy nod, a heb geisio fe ganfyddaist gwrthrych dy gais. Eto, serch hynny, arhosaist mor ymhlyg yng ngorchudd yr hunan, fel na welodd dy lygaid brydfferthwch yr Anwylyd, a'th law ni chyffwrddodd odre Ei wisg. Chwi sydd â llygaid i weled, canfyddwch a rhyfeddwch.

## **23. O DRIGOLION TEYRNAS CARIAD!**

Ymosodwyd ar gannwyll tragwyddoldeb gan chwythiadau meidrol, a gorchuddiwyd prydfferthwch Ieuencid nefolaidd gan dywyllwch llwch. Camweddiwyd yn erbyn pennaeth brenhinoedd cariad gan bobl gormes a charcharwyd colomen sancteiddrwydd yng nghrafangau'r dylluan. Mae trigolion pafiliwn y gogoniant a'r cyntedd nefolaidd yn cwynfan a marwnadu, tra eich bod chi'n gorffwys yn nheyrnas esgeulustod, ac yn ystyried eich hunain yn un o'r gwir gyfeillion. Mor falch yw dy ddychmygion!

### **24. O CHWI FFYLIAD, A YSTYRIR ETO YN DDOETH!**

Paham ydych yn gwisgo gwedd bugeiliaid, tra'n fewnol rydych wedi ymdebygu i fleiddiaid, â'ch bryd ar Fy mhraidd? Cyffelyb ydych i seren a gwyd gyda'r wawr, ac sydd, er yn ymddangos yn ddisglair ac yn llachar, yn camarwain fforddion Fy nheyrnas i lwybrau damnedigaeth.

### **26. O FY NGHYFAILL YN Y BYD!**

Myfyria am ychydig. A glywaist erioed y dylai cyfaill a gelyn drigo yn yr un galon? Bwrw allan y dieithryn felly, fel y bydded i'r Cyfaill ddyfod i'w gartref.

### **22. O FAB Y LLWCH!**

Ordeiniwyd popeth yn y nefoedd a'r ddaear i ti, oddi eithr i'r galon ddynol, a wnaethpwyd gennyf yn drigfan Fy mhrydfferthwch a'm gogoniant, ac eto, rhoddaist Fy nghartref a'm trigfan i un arall oddi eithr i Mi; a pha bryd bynnag y ceisiodd amlygiad Fy sancteiddrwydd Ei drigfan Ei hun, canfu ddieithryn yno, ac yn ddigartref, brysiodd i gysegr yr Anwylyd. Serch hynny, cuddiais dy gyfrinach ac ni ddymunais dy gwilydd.

### **29. O HANFOD DYMUNIAD!**

Ar lawer gwawr y troais o deyrnas y Disafle i'th drigfan, a'th ddarganfod ar wely esmwythyd yn ymbrysuro dy hun ag eraill oddi eithr Myfi. Gyda hynny, megis fflach yr ysbyrd, dychwelais i deyrnas y gogoniant nefolaidd ac ni soniais amdano wrth luoedd sancteiddrwydd yn Fy encilfa fry.

### **30. O FAB HAELIONI!**

Allan o eangderau diddymdra, drwy glai Fy ngorchymyn y perais i ti ymddangos, ac ordeiniais bob atom mewn bod ac yn hanfod pob peth a grëwyd ar gyfer dy hyfforddiant. Felly, er i ti ddeillio o groth dy fam, tyngedais i ti ddwy ffynnon o laeth gloyw, llygaid i wyllo drosot, a chalonnau i'th garu. Yn fy ngofal cariadus,

o dan gysgod Fy nhrugaredd Fe feithriniais di, ac fe'th warchodais drwy hanfod Fy ngras a'm ffafr. A fy mwriad yn hyn oll oedd i ti ennill Fy Arglwyddiaeth dragwyddol a theilyngu Fy rhoddion anweledig. Ac eto, anystyriol wyt o hyd, a phan yn dy lawn dwf, esgeulusaist Fy holl roddion a phrysuro dy hun â dychmygion ofer, yn y fath fodd a berodd i ti anghofio popeth, ac, gan droi ymaith oddi wrth gynteddau dy Gyfaill trigaist yn llysoedd Fy ngelyn.

### **30. O GAETHWAS Y BYD!**

Ar lawer gwawr chwythodd awel Fy ngofal cariadus drosot a dy ganfod mewn trwmgwsg ar wely esgeulustod. Gan gwynfan oherwydd dy gyflwr dychwelodd i'r man y daeth.

### **31. O FAB Y DDAEAR!**

Mynnwn i ti Fy nerbyn, ni cheisia arall oddi eithr Myfi; a mynnwn pe byddet yn sylly ar Fy mhrydfferthwch, ac yn cau dy lygaid ar y byd a phob peth sydd ynddo; canys ni all Fy ewyllys I ac ewyllys un arall oddi eithr Myfi, megis dŵr a than, drigo yn yr un galon.

### **31. O DDIEITHRYN SY'N GYFAILL!**

Cynnir kannwyll dy galon drwy nerth Fy llaw, na ddiffodd ef gan wyntoedd croes yr hunan ac angerdd. Iachawr dy holl ofidiau yw cofio amdanaf, nac anghofia hynny. Gwna Fy nghariad yn drysor i ti a gofala amdano megis dy olwg a'th fywyd dy hun.

### **33. O FY MRAWD!**

Gwranda'n astud ar eiriau hyfryd Fy nhafod melys, ac þf y llifeiriant o sancteiddrwydd cyfriniol o'm gwefusau siwgr. Heua had Fy noethineb nefolaidd ym mhrid pur dy galon, a dyfrha hwy â dŵr argyhoeddiad, fel y boed i hiasinth Fy ngwybodaeth a'm doethineb egino'n ifanc a glas yn nheyrnas gysegredig dy galon.

### **34. O DRIGOLION FY HARADWYS!**

Gyda dwylo'r gofal cariadus plannais goeden ifanc eich cariad a'ch cyfeillgarwch yng ngardd sanctaidd paradwys, a'i ddyfrhau gyda chawodydd daionus Fy ngras tyner; yn awr ar awr ei ffrwytho, ymdrechwch fel yr amddiffynned ef, a pheidiwch gael eich llyncu gan fflam dyhead ac angerdd.

### **35. O FY NGHYFEILLION!**

Diffoddwch lusern cyfeiliorni, ac enynnwch yn eich calonnau fflam dragwyddol arweinyddiaeth ddwyfol. Canys, cyn bo hir, ni fydd barnwyr dynol ryw, ym mhresenoldeb sanctaidd yr Un Hoff, yn derbyn dim oddi eithr y rhinwedd puraf a gweithredoedd o sancteiddrwydd glân.

## 25. O FAB Y LLWCH!

Y doeth yw'r rhai hynny nad ydynt yn siarad oni fo ganddynt wrandawriad, megis y trulliad nad yw'n cynnig ei gwpan heb yn gyntaf ddarganfod derbynydd, a'r carwr nad yw'n galw allan o ddyfnderoedd ei galon nes syllu ar brydferthwch ei anwylyd. Plannwch felly hadau doethineb a gwybodaeth ym mhridd pur y galon, a'u cadw'n gudd, nes i hiasinth y doethineb dwyfol egino o'r galon ac nid o laid a chlai.

*Cofnodwyd ac ysgrifennwyd ar linell gyntaf y Llechen, ac yn guddiedig o fewn cysegr tabernacl Duw y mae:*

## 37. O FY NGWAS!

Na chefna ar Arglwyddiaeth dragwyddol er mwyn yr hyn sy'n darfod, ac na fwria ymaith sofraniaeth nefolaidd er mwyn dyhead bydol. Dyma afon bywyd tragwyddol a lifodd o darddle geiriau'r trugarog, iach yw'r rhai a ŷf ohono!

## 38. O FAB YR YSBRYD!

Chwâl dy gell, ac megis ar ffurf ffenics cariad, esgyn i ffurfafen y sanctaidd. Gwada dy hun ac, yn llawn ysbryd trugaredd, triga yn nheyrnas y cysegr nefolaidd.

## 39. O BLENTYN Y LLWCH!

Na fodlona ar dreigl hawdd y dydd, a phaid amddifadu dy hun o orffwys tragwyddol. Na chyfnewidia ardd hyfrydwch tragwyddol am domen ludw byd meidrol. Esgyn o'th garchar i'r dolydd gogoneddus fry, ac o'th gell feidrol heda i baradwys y Disafle.

## 40. O FY NGWAS!

Ryddha dy hun o hualau'r byd hwn, a ryddha dy enaid o garchar yr hunan. Achub ar dy gyfle, canys ni ddaw i ti eto.

## 41. O FAB FY LLAWFORWYN!

Petaet yn canfod sofraniaeth anfeidrol, byddet yn ymdrechu i adael y byd byrhoedlog hwn. Ond mae'r modd y cuddir un rhagot a y datgelir y llall i ti yn ddirgelwch y deallir oddi eithr gan y sawl â chalon bur.

## 42. O FY NGWAS!

Pura dy galon o falais ac, yn ddiniwed o genfigen, dos i mewn i lys dwyfol sancteiddrwydd.

## 43. O FY NGHYFEILION!

Cerddwch ar hyd llwybr dymuniad daionus y Cyfaill, a byddwch wybyddus fod Ei bleser Ef ym mhleser Ei greaduriaid. Hynny yw: ni ddylai unrhyw ddynd fynyed i mewn i dŵ ei gyfaill ond trwy dymuniad ei gyfaill, na chyffwrdd â'i drysorau na mynnu ei ewyllys ei hun rhagor nac ewyllys ei gyfaill, na cheisio mantais arno mewn unrhyw fodd. Myfyriwch ar hyn, chwi a fedd graffter!

## 44. O GYDYMAITH FY NGORSEDD!

Na glyw ddrygioni, ac na wêl ddrygioni, nac ymostynga dy hun, na ochneidier na wylo. Na ddywed pethau drygionus, fel na ddyweder drygioni amdanat, ac na chwydda feiau eraill fel na fydded i'th feiau dy hun ymddangos yn fawr; a phaid dymuna darostyngiad unrhyw un, fel na ddatgelir dy ddarostyngiad dy hun. Byw felly ddyddiau dy fywyd, sy'n llai nag eiliad chwim, gyda'th feddwl yn lan, dy galon yn ddilychwin, dy feddyliau'n bur, a dy anian wedi ei sancteiddio, fel y boed i ti, yn rhydd a bodlon, rhoi'r ffrâm feidrol hon o'r neilltu, a dychwel i'r baradwys gyfriniol a thrigo yn y deyrnas dragwyddol byth bythoedd.

## 26. GWAE! O WAE! O GARWYR DYHEADAU BYDOL!

Megis cyflymder mellu aethost heibio'r Un Annwyl, a rhoi dy fryd ar chwantau satanaidd. Rydych yn plygu eich clun o flaen eich dychmygion balch a'i alw'n wirionedd. Rydych yn edrych tuag at y ddraenen, a'i alw'n flodyn. Ni anadlwyd un anadl pur gennych, ac ni chwythodd awel gwrthrychedd dros ddolydd eich calon. Taflasoch gynghorion cariadus yr Anwylyd i'r gwynt a'u dileu'n llwyr o lechau eich calonnau, ac megis bwystfilod y maes, rydych yn symud ac yn bodoli o fewn porfeydd blys ac angerdd.

## 45. O FRODYR YN Y LLWYBR!

Paham yr esgeulusasoch grybwyll yr Un Annwyl, a chadw ymhell o'i bresenoldeb sanctaidd Ef? Mae hanfod prydfferthwch o fewn y pafiliwn anghymesur, wedi ei osod ar orsedd gogoniant, tra eich bod chi'n ymdrafferthu eich hunain ag ymrysonau ofer. Mae peraroglau sancteiddrwydd yn anadlu ac fe chwythir anadl haelioni, ac eto rydych oll mewn cystudd ac yn amddifad ohonynt. Gwae chwi, a'r sawl sy'n cerdded yn eich llwybrau ac yn dilyn ôl eich traed!

## 46. O BLANT DYHEAD!

Rhowch wisg rhodres o'r neilltu, a dadwisgwch ddillad trahauster.

*Yn y drydedd o'r llinellau sancteiddiolaf a ysgrifennwyd a chofnodwyd ar y Llechen Ruddem gan ysgrifbin yr anweledig, datgelwyd hyn:*

## 47. O FRODYR!

Byddwch amyneddgar o'ch gilydd a pheidiwch rhoi eich bryd ar bethau isel. Peidiwch ymfalchïo yn eich gogoniant, a pheidiwch cywilyddio mewn darostyngiad. O Fy Mhrydferthwch! Creais bob peth o lwch ac i lwch y dychwelaf hwy drachefn.

## 48. O BLANT Y LLWCH!

Dywedwch wrth y cyfoethog am ochneidiau'r tlawd ganol nos, rhag i esgeulustod eu harwain i lwybr dinistr, a'u hamddifadu o Goeden Cyfoeth. Mae rhoddi a haelioni yn briodoleddau i Mi; daw daioni i'r hwn a addurno eu hunan â'm rhinweddau.

## 27. O HANFOD ANGERDD!

Bwria ymaith pob trachwant a cheisia fodlonrwydd; canys amddifadwyd y trachwantus, ac fe garwyd a chanmolwyd y rhai bodlon.

## 28. O FAB FY LLAWFORWYN!

Na fydd bryderus mewn tloidi na'n hyderus mewn cyfoeth, canys dilynir tloidi gan gyfoeth, a dilynir cyfoeth gan dlodi. Eto, mae bod yn dlawd ym mhob peth oddi eithr Duw yn rodd rhyfeddol, na fychanwch felly ei werth, canys yn y pen draw fe fydd yn eich cyfoethogi yn Nuw, ac felly y byddwch yn gwybod ystyr y dywediad, "Mewn gwirionedd chi yw'r tlodion," a bydd y geiriau sanctaidd, "Duw yw'r holl feddiannol", megis gwawr y gwir fore yn torri'n ogoneddus ddisglair dros orwel calon y carwr, a thrigo'n ddiogel ar orsedd cyfoeth.

## 29. O BLANT ESGEULUSTOD AC ANGERDD!

Yr ydych wedi caniatáu i'm gelyn ddyfod i mewn i'm tŷ a thafllu allan Fy nghyfaill, canys yr ydych wedi cysegru cariad at arall yn eich calonnau. Gwrandewch ar ddywediadau'r Cyfaill a throwch tuag at Ei baradwys. Gyfeillion bydol, sy'n ceisio eu daioni eu hunain, yn ymddangos i garu ei gilydd, tra fod y gwir Gyfaill wedi eich caru ac yn eich caru er lles eich hunain; yn wir, dioddefodd Ef amryw o brofedigaethau er mwyn eich arweiniad. Na fyddwch anffyddlon i'r fath Gyfaill, yn hytrach brysiwch tuag ato. Un felly yw seren fore gair y gwirionedd a ffyddlondeb, a wawriodd uwch orwel dysg Tad pob enw. Agorwch eich clustiau fel y boed i chi glywed gair Duw, y Cymorth mewn perygl, yr Hunanfodol.

## 49. O CHWI A YMFALCHÏA MEWN CYFOETH MEIDROL!

Byddwch ymwybodol, mewn gwirionedd, fod cyfoeth yn rhwystr nerthol rhwng y ceisiwr a'i ddyhead, y carwr a'i anwylyd. Ni fydd y cyfoethog, oddi eithr ychydig, yn ymgyrraedd at lys Ei bresenoldeb mewn unrhyw fodd nac yn myned i mewn i ddinas bodlonrwydd ac ymostyngiad. Daw daioni felly i'r sawl, o fod yn gyfoethog, na rwystrir o'r deyrnas dragwyddol gan eu cyfoeth, ac na amddifadir gan eu cyfoeth o'r Arglwyddiaeth anfeidrol. O'r Enw Mwyaf Mawr! Bydd gogoniant dyn mor gyfoethog a hynny yn goleuo trigolion y nefoedd megis y goleua'r haul bobloedd y ddaear!

## 50. O CHWI GYFOETHOGION AR Y DDAEAR!

Fy ymddiriedolaeth i yw'r tlodion yn eich mysg; gwarchodwch chi Fy ymddiriedolaeth, ac na roddwch eich holl fryd ar eich esmwythyd eich hunan.

## 51. O FAB ANGERDD!

Pura dy hun o halogiad cyfoeth ac mewn heddwoch perffaith dos yn dy flaen i deyrnas tlodi; fel y boed i ti, o ffynnon gwrthrychedd, yfed gwin y bywyd tragwyddol.

## O FY MAB!

Cwmni'r annuwiol a gynydda dristwch, tra fod cyfeillach gyda'r cyfiawn yn glanhau'r rhwd o'r galon. Boed i'r sawl sy'n ceisio cymunde â Duw, fyned ei hun at gwmniaeth y rhai sy'n Ei garu; a boed i'r sawl sy'n dymuno gwrandao ar air Duw wrando ar eiriau Ei etholedig rai.

## 57. O FAB Y LLWCH!

Gocheler! Na cherdda gyda'r annuwiol ac na cheisia ei gyfeillach, canys y mae'r fath gwmniaeth yn troi disgleirdeb y galon yn dân uffernol.

## 58. O FAB FY LLAWFORWYN!

Mynnaf i ti geisio gras yr Ysbryd Sanctaidd, cais gyfeillach â'r cyfiawn, canys y mae ef wedi yfed o gwpan y bywyd tragwyddol oddi wrth law y Trulliad anfeidrol megis y mae'r wir wawr yn bywhau a goleuo calonnau'r meirw.

## 59. O'R RHAI ANYSTYRIOL!

Peidiwch a meddwl bod cyfrinachau'r galon yn gudd, yn hytrach, gwybyddwch mewn sicrwydd eu bod wedi eu hysgythru mewn llythrennau eglur a'u bod yn amlwg agored yn y Presenoldeb sanctaidd.

## 60. O GYFEILLION!

Yn wir dywedaf, mae pa beth bynnag a guddiwch chi yn eich calonnau mor agored ag amlwg i Ni megis y mae'r dydd; ond y mae wedi ei guddio oddi wrth Ein gras a'n bendith, ac nid yw'n haeddiant i chi.

## 61. O FAB Y DYN!

Gollyngais ddafn o wlith o fôr diderfyn Fy nhrugaredd ar bobloedd y byd, ond ni throdd neb ato, yn gymaint â bod pawb wedi cefnu ar win nefolaidd undod a throi at waddodion aflan amhurdeb, ac, yn fodlon ar y cwpan meidrol, bwriasant ymaith gwpan y prydferthwch anfarwol. Ffiaidd yw'r hyn sy'n eu bodloni.

## 62. O FAB Y LLWCH!

Na thro dy lygaid oddi wrth win anghymarus yr Anwylyd anfeidrol, ac na egyr hwy i waddodion ffiaidd a meidrol. Cymer gwpan y bywyd tragwyddol o ddwylo'r Trulliad dwyfol fel bydded i bob doethineb fod yn eiddo i ti a bydded i ti wrando ar y llais cyfrin yn galw o deyrnas yr anweledig. Datgan yn uchel, chi sydd o uchelgais fas! Paham troesoch ymaith oddi wrth Fy ngwin sanctaidd ac anfeidrol at ddyfroedd darfodedig?

## 63. O CHI BOBL Y BYD!

Gwybydder, yn wir, fod trychineb na ragwelwyd yn eich dilyn, a bod dialedd difrifol yn eich disgwyl. Peidiwch meddwl y dilëir yr hyn a gyflawnwyd gennych yn Fy ngolwg. O Fy Mhrydferthwch! Mae Fy ysgrifbin wedi nodi eich holl weithredoedd mewn llythrennau eglur ar lechen eurfaen.

## 64. O ORMESWYR AR Y DDAEAR!

Tynnwch eich dwylo'n oddi wrth ormes, canys yr wyf wedi addunedu fy hun i beidio maddau anghyfiawnder unrhyw ddyn. Dyma Fy nghyfamod a ordeiniwyd gennyf yn annileadwy ar y llechen gadwedig ac a seliwyd â'm sêl.

## 65. O'R RHAI GWRTHRYFELGAR!

Fe'ch gwnaethpwyd yn ddewr gan Fy amynedd a'm hir-ddioddef a'ch gwnaethoch yn esgeulus, yn y fath fodd nes eich bod wedi sbarduno march tanllyd angerdd ar hyd y ffyrdd peryglus sy'n arwain at ddinistr. A ystyrioch Fi'n anystyriol neu'n anymwybodol?

## 66. O YMFUDWYR!

Y tafod a greais er mwyn Fy nghrybwyll, na ddifwyner Ef ag anfri. Os bydd i dân yr hunan dy orchfygu, dwyn i gof dy feiau dy hun ac nid beiau Fy nghreaduriaid, gan fod pob un ohonoch yn adnabod eich hunain yn well nag yr ydych yn adnabod eraill.

## 67. O BLANT CHWANT!

Gwbyddwch, yn wir, tra fod y wawr ddisglair yn torri dros orwel gogoniant tragwyddol, y bydd y cyfrinachau a'r gweithredoedd satanaidd a wnaed yn nhywyllwch y nos yn cael eu taenu ar led a'u hamlygu o flaen pobloedd y byd.

## 68. O CHWYN A FLODEUA O LWCH!

Paham na chyffwrddodd y dwylo aflan hyn â'th wisg dy hun yn gyntaf, a pham, â'th galon yn llawn dyhead ac angerdd wyt ti'n ceisio cymunde â Mi a dyfod i mewn i'm teyrnas gysegredig? Pell, pell ydych chi oddi wrth yr hyn yr ydych yn ei ddymuno.

## 69. O BLANT ADDA!

Geiriau sanctaidd a gweithredoedd pur a daionus a esgyn i nefoedd y gogoniant nefolaidd. Ymdrechwch, fel y bydded i'ch defodau gael eu glanhau o lwch yr hunan ac o ragrith a cheisiwch fendith yn llys gogoniant; canys cyn hir bydd barnwyr dynol rhyw, yn mhresenoldeb sanctaidd yr Un Hoff, yn derbyn dim oddi eithr rhinwedd llwyr a gweithredoedd o burdeb dilychwin. Dyma seren fore doethineb a dirgelwch dwyfol a ddisgleiriodd uwch orwel yr ewyllys dwyfol. Gwyn eu byd y rhai sy'n troi ato.

## 70. O FAB BYDOLRWYDD!

Hyfryd yw teyrnas bodolaeth, pe byddet i ymgyrraedd ato; gogoneddus yw tiriogaeth tragwyddoldeb, pe byddet i fyned heibio i fyd y meidrol; melys yw'r llesmair sanctaidd pe byddet i yfed o'r cwpan cyfrin o ddwylo'r Ieuencid nefolaidd. Pe byddet i ymgyrraedd at y safle hwn, fe ryddheir di o ddinistr a marwolaeth, o lafur a phechod.

## 71. O FY FFRINDIAU!

Galwch i gof y cyfamod a wnaethoch â Mi ar Fynydd Páran, rhowch eich hunain yng nghyffiniau sanctaidd Zamán. Ymgymerais â thystio i gyntedd y deyrnas fry a thrigolion dinas tragwyddoldeb, eto, yn awr, nid wyf yn canfod un sy'n ffyddlon i'r cyfamod. Yn sicr, balchder a gwrthryfel a'i dileodd o'r calonnau, yn y fath fodd nad adawyd arlliw ohono ar ôl. Eto, gan wybod hyn; arhosais heb ei ddatgelu.

## 72. O FY NGWAS!

Rwyf megis cleddyf a dymherwyd yn goeth ac a guddiwyd yn nhywyllwch ei wain a'i werth ynghudd oddi wrth ddirnadaeth y crefftwr. Tyrd allan felly o wain yr hunan a dyhead fel y boed i'th werth fod yn ogoneddus ac yn amlwg i'r holl fydd.

### 73. O FY NGHYFAILL!

Ti yw seren fore nefoedd Fy sancteiddrwydd, na fydded i halogiad y byd gysgodi dy ogoniant. Bwrw ymaith orchudd esgeulustod fel y boed i ti ymddangos yn ysblennydd o du ôl i'r cymylau ac addurno popeth â gwisg bywyd.

### 74. O BLANT RHODRES!

Gadawsoch Fy Arglwyddiaeth annarfodedig am sofraniaeth fyrhoedlog, gan addurno eich hunain â lifrai lliwgar y byd ac ymfalchïo ynddynt. O Fy mhrydferthwch! Ymgasglaf bawb dan orchudd unlliw y llwch a dileu'r amrywiol liwiau hyn oddi eithr i'r rhai hynny a ddewis Fy lliw i, a dyna fydd puro pob lliw.

### 75. O BLANT ESGEULUS!

Na rhoddwch eich bryd ar sofraniaeth feidrol ac na ymfalchïwch ynddo. Rydych megis yr aderyn anwyladwrus sy'n canu'n llawn hyder ar y gangen; nes yn sydyn mae'r heliwr Marwolaeth yn ei daflu i'r llwch, ac mae'r alaw a'r ffurf a'r lliw yn diflannu, heb adael eu hôl. O weision dyhead!

### 76. O FAB FY LLAWFORWYN!

Trwy eiriau y rhoddwyd arweiniad erioed, yn awr fe'i rhoddir drwy weithredoedd. Rhaid i bawb arddangos gweithredoedd sy'n bur ac yn sanctaidd, canys mae geiriau yn eiddo i bawb, tra gweithredoedd fel rhain eiddo ein hanwyliaid ydynt yn unig. Ymdrechwch felly gyda chalon ac enaid i ragori eich hun yn eich gweithredoedd. Yn y modd hwn yr ydym yn eich cynghori ar y llechen santaidd ac ardderchog hon.

### 77. O FAB CYFIAWNDER!

Yn nhymor y nos ymgiliodd prydferthwch y Bod anfeidrol o uchelder emrallt ffyddlondeb i'r Sadratu'l-Muntahá, ac fe wylodd gyda'r fath wylo nes i'r cyntedd fry a thrigolion y teyrnasoedd oddi uwch wylo oherwydd Ei alaru. Ac ar hynny fe ofynnwyd, Paham y cwynfan a'r wylofain? Atebodd: Fel y gofynnwyd i mi, arhosais yn ddisgwylgar ar fynydd ffyddlondeb, eto ni anadlais arogleuon ffyddlondeb oddi wrth drigolion y ddaear. Yna, wedi fy ngalw yn ôl, fe welais, ac wele! roedd rhai o golomennod sancteiddrwydd yn cael eu trin yn druenus gan grafangau cŏn y ddaear. Ar hynny, ymddangosodd Morwyn y nefoedd yn ddiorchudd ac yn ddisglair o'i phalas cyfrin, a gofyn iddynt eu henwau, a dywedwyd pob un namyn un. Ac wedi anogaeth, ynganwyd y lythyren gyntaf ohono, ac ar hynny, rhuthrodd trigolion y siambrau nefolaidd o'u trigfan ogoneddus. Ac wrth i'r ail lythyren gael ei chyhoeddi, syrthiasant, un ag oll, i'r llwch. Ac ar hynny, clywyd llais o'r cysegr eithaf: "Cyn belled a dim pellach." Felly

yr ydym yn dwyn tystiolaeth i'r hyn a wnaethant ac y maent yn ei wneud ar hyn o bryd.

### 78. O FAB FY LLAWFORWYN!

Yf afon y dirgelwch dwyfol o dafod y trugarog, ac wele ysblander amlwg seren fore doethineb yn nharddle'r lleferydd dwyfol. Heuwch hadau Fy noethineb dwyfol ym mhridd pur y galon, a dyfrhewch hwy â dyfroedd sicrwydd, boed i hiasinthau gwybodaeth a doethineb egino yn ifanc a glas o ddinas sanctaidd y galon.

### 79. O FAB DYHEAD!

Pa hyd yr hed yn nheyrnasoedd dyhead? Rhoddais adenydd i ti fel y bydded i ti hedfan i deyrnasoedd sancteiddrwydd cyfrin ac nid i barthau chwantau satanaidd. Y grib hefyd a roddais i ti fel y medret gribo Fy nghydynnau duon, ac nid i rwygo Fy ngwddf.

### 80. O FY NGWEISION!

Chwi yw coed Fy ngardd; rhaid i chi ddwyn ffrwythau daionus a rhyfeddol, fel y boed i chi ac eraill elwa ohonynt. Mae'n ddyletswydd felly ar i bob un i ymroi i grefftau a phroffesiynau, oherwydd yno mae cyfrinach cyfoeth, O ddynion deallus! Canys mae canlyniadau yn dibynnu ar y moddion, a bydd gras Duw yn holl-ddigonol i chi. Bwriadwyd coed nad sy'n dwyn ffrwyth ar gyfer y tân ac felly y bydd byth.

### 81. O FY NGWAS!

Yr isaf o ddynion yw'r rhai nad ydynt yn dwyn ffrwyth ar y ddaear. Yn wir, ystyrir y dynion hynny megis fel ymhlith y meirwon, nage, gwell yw'r meirwon yng ngolwg Duw na'r eneidiau ofer a di-werth hynny.

### 82. O FY NGWAS!

Y gorau o ddynion yw'r rhai hynny sy'n ennill bywoliaeth trwy eu galwedigaeth ac sy'n talu sylw i'w hunain a'u tylwyth yn enw cariad Duw, Arglwydd yr holl fydoedd.

Y Briodferch gyfrin a rhyfeddol, yn guddiedig cyn hyn dan orchudd mynegiant, yn awr, drwy ras Duw a'i fendith ddwyfol, sydd wedi ei hamlygu megis y golau a ddisgleirir gan brydferthwch yr Anwylod. Tystiaf, O gyfeillion! bod y fendith yn gyflawn, y prawf yn amlwg a'r dystiolaeth wedi ei sefydlu. Boed i ni, yn awr, weled yr hyn a ddatgelir gan eich ymdrechion ar lwybr gwrthrychedd. Yn y modd yma, y mae'r fendith ddwyfol wedi ei gadw i ti ac i'r sawl sydd yn y nefoedd ac ar y ddaear. Molwch yr Arglwydd, Arglwydd yr holl Fydoedd.